



AUG 9200-
-9219





THESEUS
DIVINIOR

E Labyrintho Captivitatis
Hominum LIBERATOR

D. JOANNES
DE MATTA,

Sacri Ordinis Redemptionis Captivorum

PATRIARCHA;

In Ædibus Sanctissimæ TRINITATIS,
P.P. Ejusdem Ordinis Casimiræ ad Cracoviam,
Recurrente suæ Festivitatæ die,

Amplissimæ Hospitum Coronæ,

M. ANTONIO STANISLAO WOYCIECHOWSKI
In Alma Univerſitate Crac: Philosophiæ Doctore & Professore,

Stylô Oratoriô
DEMONSTRATUS.

Annô quô,

Redemptor Captivi Orbis in terras descendit. 1733.

Die 8vâ Mensis Februarij.

In Stemma Gentilitium
ILLUSTRISSIMÆ
DEBSCIORUM
DOMUS.



Sacrum VEXILLVM dum claro Stemmate gērat,
Coniicitur; quòd sit DEBSCIA Sacra DOMVS.
Sacra DOMVS, complexa Joves Martesq; Polonos,
Non sibi sed Patriæ multa trophæa gerit.

Aug. 9219

ILLUSTRI ac MAGNIFICO DOMINO

D. CASIMIRO

De D E B E

D E B S K I,
ENSIFERO CERNENSI,
Domino ac Mecænati
Amplissimo.



*Loriosus Victor, Cælesti redimitus laureolâ
Triumphator, in forma Oratoria Spectato
ri mentium eruditarum oculo præsentatus
THESEUS D. JOANNES de MAT-
TA, dum ad piorum doctorum instantias
in publicum prodit, sub Tuum Gentiliti-
um se confert Vexillum. Illustris ac
Magnifice Domine, D. Mecænas Amplissime. Af-
foevit Hic Cælesti militiæ Heros, est Qui in terris Viator mor-
taliū libertati adesse solebat, etiam Comprehensor in Schem-
mate THESEI adumbratus, Tibi Poloniæ libertatis delicio
promptus adest. Nec pudet hunc D. Victorem sub Tuo milita-
re Labaro, sub quo & honor Antesignanum, & ipsa Victoria
Vexilliferam agit. Immo ut etiam Polonia Victor manifeste-*

(a)

tur

tur **IOANNES**; Tuum arripit Vexillum, ut triumphet. Si Sacer est Hic **THESEVS**, utiq; non errat; dum sub Avito Tuæ **DOMVS** consistit Vexillo, quia Sacro. Ita Cælum triumphos Ecclesiæ Tecum dividens disposuit, ut etiam Divorum victrices palmæ Gentilitio Tuo adjungantur Signo; sub quo Virtutum agmina, rectefactorum computus, Cælitus remunerandæ dotes, & amplissimus Honorum catalogus, Commilitones agunt. Recurrit luce annua Captivorum Redemptor, & eò ipso se Triumphatorem probat, dum Soli publico cum Tuo præsentatur Vexillo; quod erigere, satia Polonia ad Victoriã. Quotquot hoc sub Signo numerantur Viri, tot feliciores recensentur Alexandri, pro Patria, pro libertate fortes Asaces, & Achilles. Quis color huic Vexillo sit? ab Annalium testimonio pendet, ego in Illo, & niveum in candido boni Publici amore, & violaceum in cultu Cælituum & Ecclesiæ tutamine, & rubeum in profuso ex cæsis hostium collis cruore; in tot redivivis Martibus, in tot zelosis pro Fidei & Patriæ honore reperio **DEBSCIIS**. Sacrum est hoc Signum, aliàs nunquam profanatum, cum primæva in Orbe Lechico erectum Fide. Hic **DEBSCIANS RADWAN**, in publica, ablactatæ alibi Fidei in Sarmatiam introductione, præferebatur. Materiam Ejus non inquirò, si tamen requireretur qualis sit? aureum esse dico, toties pretiosissimã **DEBSCIORVM** vitã estimatum, toties igne Martiali, ferventi pro Superis zelò, probatum. Nequaquam solus Gradivus sub hoc Signo in dexteris **DEBSCIIS** perennaturus sæculis memoranda recenset trophæa, triumphat etiam sub Fllo Sacer, quia Ecclesiasticus honor, in Celsissimis, Illustrissimis, Tuis Mecænas Amplissime Atavis, Patruis, Episcopis, Suffraganeis Cracoviensibus; in Quibus Virtus victrix, Pietas triumphatrix, semper votiva in Templo **DEI** cecinere Celestata. Flli, suò
sæculò

seculo Aarones, DEI Patriæq; Nomen coram Gentibus &
Principibus portantes, Senatorijs Purpuris authoritatem, Cælo
solatium, Vavellanis Coronis pretium addidère; DOMUS pe-
rennantem gloriam, probitati felici expectata præmia, Clero de-
licium, Sacris Areopagis prudentium consiliorum vires, adauxere.
Vas electionis, Coronarum Vavelli Unio, PAVLVS
DEBSKI, primùm Canonicus, post Episcopus
Læodicensis, & Suffraganeus Cracoviensis; tot Pa-
negyribus dignus, quot factis perennat. Ob eximia merita,
Eminētissimo Principi, Illustrissimo & Reverendis-
simo GEORGIO RADZIVILIO S. Roma-
næ Ecclesiæ Cardinali, Episcopo Cracoviensi fa-
cile charus, Qui omnium merebatur affectus. Poscunt sua in-
elogia Scylum PAVLVS & MARTINUS DEB-
SCHI, Qui hoc ipso caractere, quò Electionem VLA-
DISLAI IV. Poloniarum Regis, subscripserunt; quanti fu-
erint, posteritas legit. Io triumphe canit DEBSCIANÆ
DOMVI Themis Regio-Academica, cui nè pretium justumq;
pondus ad libram desit, DEBSCIANA providit liberalitas,
in signem de Sortibus suis portionem. Habuere tempora Illos
DEBSCIOS, quorū Vertices in Vavello Infulatos, qualibet Tia-
râ majores, qualibet dignitatis sublimitate celsiores, quovis gradu
honoris eminentiores, supra laudum encomia, supra gratas Cæ-
lis pro tantis Præsulibus populi voces, elevatos videre. Invi-
debant sibi Cathedræ DEBSCIOS, Vavellus tamen tri-
umphavit, dum in illo Tiaratus honor DEBSCIANVM Merexit
Vexillum, sub quo vota fecit, amplius & amplius se huic mili-
taturum DOMVI. His in Senatu Proceribus, in Cathedra
Antistitibus, his Legum Patriæ Lycurgis, Ecclesiasticæ immu-
nitatis Columinibus, æmula Virtute auxesim gloriæ apposuit
Illustrissimus & Reverendissimus Dominus, IO-

) (b) (

ANNES

ANNES DE DEBE DEBSKI, Episcopus Belinensis, Suffraganeus Præmyssiensis, Tuus Mecænas Amplissime Patruus. In illo compendiatæ **DEB-SCIANÆ** Virtutis epitome, & reductæ in protensum calculum Redefactorum summa, innatarum qualitatum, & pertinentium ad decoramentum **DOMUS** Generosæ mentis speciminum Encyclopædia, decentius quàm in nucleo Fias clausa, resplendebant. Non pœnituit naturam, quòd raras dotes concedidit **DEBSCIO**, quibus ita utebatur, ut sibi gloriam Patriæ reliquisset memoriam. Non pœnituit Lucinam, quòd Hunc in **DEBSCIANIS** deposuerit Cunabulis, quòd in tanta educaverit **DOMO**, Quem postea sacrâ decoratum Tiarâ adoraverit. Non pœnituit Cælum, quòd selectis in Eum egerit influentijs, à Quo mille in quolibet vitæ momento reciproca recipiebat solamina. Nec Nomen **FOANNIS** habuit sine convenientia, Qui totus gratia fuit. Supra omne pretium assurgere deberet dictio, si quantus fuerit Illustris ac Magnus Dominus **CHRISTOPHORVS DEBSKI**, Pincerna Lydensis, Pater Tuus; ostendere vellet. Ille sui ævi sæculum aureum fecit, qui moribus, eruditione mentis, in Patriam; benefactis in Ecclesiam, aurea erat. Regrediamini antèacta secula, revertimini annorum trieterides, dicite; quis & qualis fuit **DEBSCIVS**? Fuit **DOMUS** suæ Insigne Decus, Aquilæ Lechicæ verus toties in publico grandium negotiorum sole probatus Pullus, posteritati memorandus, Patriæ amor, Sapientiæ Museum, Vestalis Pietatis Ara, Propugnator Veritatis, Tutor Justitiæ, Polonæ Majestatis Corculum, Senatûs Ocellus, fuit Vir mentis magnanimitate, cordis dexteritate, virium fortitudine **CHRISTOPHORVS**; etiam post fata factis heroicis, quibus implevit fastos, vivere & perennare non cessat. Evolaret in
Ejus

Ejus ampliora encomia calamus, sed pondere Rectefactorum
Ejus ad ima premitur, ad tanti Nominis venerationem incli-
natur, nec amplius verba fundere tentat, ubi ad Te cum hu-
mili Stylo Mecænas Æstimatissime, amandatur. Frustra
Patrem Oratorius depingit color, cuius Tu viva Imago ades,
Tuorumq; Aboriginum Compendium. In ostijs laudis Tuæ obvi-
at gradationi Oratorie Illustrissimus **STANISLAUS**
CZOSNOWSKI Castellanus Varlaviensis, Tuus,
Mecænas Gratosissime Avunculus. Hic in Senatu
publicæ Fortunæ Faber, & facundissimus pro libertate Ora-
tor, ita semper egit **STANISLAUS**, ut nunquam cade-
ret, sed semper esset Poloniæ stans Laus. Ita suum Genti-
litium erigebat Vexillum, ut sub Illo ipse Mars militem
ageret. Ferrò aureos comparabat triumphos, & bellicis ignibus
Victoriarum meridiem accendebat. Palmam detractis hostium
capitibus, laureis vota publica coronabat; Ipse peripheriâ æter-
nitatis redimitus. Taceo venerabundus **DOMUS** Tuæ Pur-
puratos Proceres, Patriæ Patres; Illosq; Heròas, quos fa-
ma sub æthera tollit, non enumero. Tu tenui calamo meta-
es, Illustris ac Magnifice Domine, Domine Mecæ-
nas Gratosissime. Si arborem Familiæ Tuæ inspexero, Tu
Vertex es, si **DOMUM** Tuam Corpus dixero, tu Frons es,
si Regiam Sapientiæ adoravero, tu Columna es, si Clientalem
Tui ipsius de Te Mecanate meo scientiam sepiâ Typographicâ ex-
pressero, Tu illius totale objectum es. Ad Te univèrsa laudum
periodus ut devolvatur, necesse; Qui Rectefactorum centrum es,
Heroum magnorum Exemplar. In flore ætatis Tuæ illos præfe-
rebas fructus, qui publicos aptabantur in usus. Sub Pallade
egisti Theopompum, & vix in Arena Scholastica scientificum con-
summast cursum, Te Bellona spectavit Achillem. Quocumque
Gentilitium prætulisti Vexillum, ducere legiones videbaris, qui-

būs Patria defensa fuit; cuius ut integritatem servares, Te totum impendebas. Sensit manum Tuam hostis, eamq; dum sustinere non potuit, victus ex acie non semel cessit. Sævijt quidem in manum Tuam vulnere, sed ipse non unum amisit caput. Læsa manus, hosti victrices eripuit palmas, & Patriæ triumphales laurus adportavit. Polonus Scævola dici scribiq; mereris, qui amore Patriæ ignibus Martialibus injecisti manum, & omnem felicitatem publicam funesto ab incendio eliberare curasti. Palma hæc mille digna palmis, quæ pro bono communi optime novit decertare. Purpurâ hanc Manum Patria tenetur decorare, quæ cruorem pro ejus incolumitate fudit. Tenetur altos honorum Fasces porrigere & inserere manui, quæ ipsam à fatali casu elevavit. Adhuc Mecænas Amplissime, Bellonæ Sarmaticæ dextra Manus es, Patriæq; Defensor. Non tibi manus sed cordis vulnus esset, si pro Aris & Focis continuo non certares. Erectum est Vexillum Tuum, Te paratum ad quævis negotia spondet, animò semper magnanimò, & ad quamvis ferendam fortunam generosò. Domi Tibi præstò consilia sunt, quia summò judiciò polles. Omnes Tecum circumfers Virtutes: in adversis constantiam, in prosperis moderationem, in cunctis actionibus regulam servas. Scis illam administrare justiciam, quam melius ipsa non solet administrare Themis. Scis fortunæ muneribus uti, estq; Tibi respectus in omnes. Obligata perenni paupertatis voto Religiosorum Claustra Tua munificentia subintrat, & nè inopiâ coarctentur, provides necessaria. Tantus es Servorum DEI Amator, ut quidquid Fortunæ Tuæ est; Illorum esse facias. Verè novus sed Cælo dignior crederis Archimedes, dum ex multiplicatis, benedicente Superùm gratiâ Tuis proventibus, Te ipsum semper etiam non requirentibus, facis Divisorem. Nè videretur Tua largitas sub Regula esse, etiam ad publicas Divitum egreditur Aedes. DEI Nutritius D. IO-

SEPHVS ex suo etymo accrescens Filius, Tuâ piâ liberali-
tate in Parochiali Ecclesia Luborzycensi dum sibi Altare
dicatum habet, novam sui honoris auxesim è sydere cernit. Sa-
cellum, quod in Xiaznice honori Conceptæ sinè labe originali
MARIÆ erexisti, Tuæ Pietatis monumentum est. Hoc
Mare gratiarum MARLA peccaminosæ falsedinis expers,
Tibi omnes, quæ mortalibus accidunt, dulcorabit amaritudines;
& intentionum Tuarum proram ad beâtæ Spei deducet promonto-
rium. Hæc Castrorum Acies ordinata, gaudet sub Gentilitio
Vexillo honorem suum, triumphum habere. Revixit in Te his tem-
poribus vetusta Mystrarum reverentia, quam Regali exhibes
Sacerdotio. Has in Te publico Virtutes, quas maximè abscon-
dere cupis, arduis concessam rebus in agendis prudentiam, oris
cum corde conformitatem, in dicendo quâ privatim, quâ publicè
veritatem, ferventem, pro honore DEI, pro juvandis concur-
rentium ad Te miseris, pro amore Patriæ, zelum. Hæc pro-
bitatum specimina Cælestem dixerim ignem, quem quò magis in
sinu pectoris Tui comprimis, eò magis erumpit in apricum.
Reticere hic non possum Illustrem ac Magnificam Do-
minam, MARIANNAM de STRZESZEWSKIIS
Conjugem Tuam, Te Numâ dignam Pompiliam,
Quæ & vitæ Christianæ Regula, & pietatis Exemplar, &
compendiatarum Virtutum Synopsis; juremeritò nominanda. Tres
Gratias finxerunt Poëtæ, Illa longè pluribus decoratur, in
Ædes Sacras benefica, in Xenodochia munifica, mente Cœlis
contermina, benevolentia in omnes certare solet. Gratiam sty-
li meretur Illustris ac Magnificus Dominus, IOAN-
NES de Debe DEBSKI, Tuus Mecænas Am-
plissime Germanus, Qui sicut totius DOMUS gloria,
ita & Virtutum viva Idèa colendus. In Illo innata modestia,
profunda humilitas altum tenet, quâ sicut honorum culmina,

)(d)(

ita &

ita & laudum quarumvis tanto Viro competentium, superat am-
plitudinem. Ea vestigia Arene Martiali impressit Heros, quibus nisi
magni Herdés procedere solent. Aquilis Gradivi quibus prevolavit,
semper certa victoria fuit. Magnanimitate animi precellens, honores,
qui suis debentur meritis, recusat; satis ad gloriam censeat: mereri ho-
nores non habere. Complectere hanc exiguam paginam, qui Vestrum Magnorum
Parentum Corona est & cordis delitium, Illustris ac Magnus Do-
minus STANISLAVS de Dębe DĘBSKI Eniferides Cernensis,
Ille votorum Tuorum Mecenas Amplissime desideria, & expectatio-
nis tadia, precocibus animi Virtutumq; jam coronat qualitatibus, vo-
tisq; Tuis sat respondet; dum in publico Lechia Arboreo, in Generali Re-
gni Sarmatici Jagellonica Schola Theopompus, omnigenae exemplarita-
tu ex se Scholam facit. Commendet se Ipse, encomia sua secum si-
mul Paterna Tua ingerat menti, gravitatem praeferat annos Tuis subji-
ciat oculis, laudent Eum alij; mihi satis ad gloriam est: magnanimam Ego
indolem spectare, doctes quibus precellit aestimare, animum magnorum
capacem admirari. Demissior in Tuam Mecenas Amplissime ve-
nerationem penna subire merebitur panam, si illos non innuerit, qui
ab alto Sanguinis nequeunt separari. In magna DOMUS Tua Tuiq;
honoris incidit lumina, & praevio cultu DOBINSIOS, TVRSIOS,
OBORSIOS, MICHALOWSCIOS, STRZESZEWSCIOS,
BALICCIOS, NOWICCIOS, PELCZYCCIOS, JASMANIC-
CIOS, PELKOVIOS, SVFCZYNSIOS, KALINSCIOS, LI-
MIEYSCIOS, GRZYMALOVIOS, OLSZEMOWSCIOS, ZIE-
LINSIOS, STRZALKOWSCIOS, PAPROCCIOS, WYCZAL-
KOWSCIOS, MAKOWSCIOS, STAWSCIOS, ZAWISZO-
VIOS, WJANKOWSCIOS, ZVROWSCIOS, KVRZEW-
SCIOS, veneratur; sed illis alijsq; plurimis etogia ferre, non tenuis ca-
lami est. Adde decoribus decora, aurum auro, dum tot DOMUS
Tua Heroibus D. adjungo THESEUM, Barbarorum Victorem,
Tibi Polono dedico Marti. His Sacratior THESEUS, Captivo-
rum Liberator, Calum ad Tuos obligabit successus, quos fortunatis-
simos cum amplissimis honoribus in longevos precatur annos.

ILLVSTRIS AC MAGNIFICAE

DOMINATIONIS VESTRAE,

Devotissimus Clientis

& humillimus Servus,

AUTHOR OPERIS.



ORATIO.

Innumeris mancipati ambagibus mortales, irruentibus malorum undique circumdati casibus hactenus Evidentem ignoramus, quò prodromante ex Labyrinthea servitute in planum aureæ libertatis eluctari sciamus. AA. Orbis hic verè Labyrinthus est, quotquot Incolas, tot fermè servos & captivos habet. Quotquot pericula in suo ambitu fovet, tot obstacula mortalibus vovet, & sinuosis infortuniorum anfractibus ligat, ligando mancipat, mancipando constringit. A primo statim vitæ nostræ exordio sæpenumerò exodium patimur, non plus ultra processuri. Aut si vitalem spiramus auram, necdum meridianam conspicimus solem, jam ærumnosum occasum experimur. Reptare dum incipimus; in pericula incidimus, ex illis nunquam evasuri. In provectori ætate nulla dies sine linea, quâ catervatim conjurata nobis non insultent mala, nemini non struentia te-

A

chnas.

chnas. Terrâ Mariq; pergamus auream libertatem
quærentes, nec hîc nec ibi securi. Hinc mille A-
croceraunia prostant, illinc insidiæ vitæ, hinc
voraces Scyllæ metuendæq; allatrant Charybdes;
illinc dolus gravisq; riget Erinnyes. Per tumidum
Tridentiferi Neptuni navigando Æquor, veren-
dum est; ne insolentibus Tethydis fluctibus sub-
mergamur. Mulcent quidem pectora auresque
oblectant suavissimi Syrenum concentus, sed quo-
ties dulce occinunt melos, toties quamvis peri-
tissimos occidunt Vlysses, aut cum Pyratis ad sæ-
vum trudent interitum. Inflammata Colchici vel-
leris cupidine per profundum navigantes Ocea-
num Iasones, ubi beatas supponunt esse Insulas,
ibi in Syrtes aut flammivomos incidunt Dracones.
Tantis monstrorum spectaculis & formidandis nau-
fragiorum perterrefacti spectris, inquamus pellu-
cida Neptuni Regna, ne spumantibus obruamur un-
dis; ad Serenissima Regum divertamus solia, so-
lidius quidpiam spectaturi. Nonne alto subselliorum
fastigio imum insultat fastidium? ita est: & augustam
Majestatem angusta circumstant molimina rerum,
& meridiantes Titulorum soles, umbram post se,
aut persæpè occasum interitus ducunt. Ornant
lacertos Sydonio murice tinctæ Regum purpuræ,
in his tamen insidiarum textura latet, & his filis
ex quorum materie efformantur Dibaphæ, retia
pericula tendunt. Fulgent pretiosis Coronæ la-
pillis, sed non sine pondere Gestatorum. Imò
Sphærica rotunditate vertiginē non rarò imprimunt
Regibus, nè magnis obsessi curis ex Curijs effugi-
ant aliquando. Assistunt lateri cataphracti Mili-
tes,

tes, sed iisdem Armis, quibus Monarcharum custodiunt vitam, mortem minantur, & in eorum cervices ferientia acumina vibrant. Gaudent profectò amplissimis Regnorum finibus, quid prodest? dum ultra horum limites, progredi non audent, nè armifono in spolium cedant Gradivo. Quotquot populos sub suo Regimine tenent, tot suæ libertatis obstacula vident. Gaudent opulentissimis ærariorum gazis, sed horum copiâ maximè inopes fiunt, dum ex fulvo cui dominantur auro, ipsa metalla formosos obtegunt laqueos, ex quibus Lemniacus Mulciber vincula cudit. Si ad suam libertatem invinculati Reges, ergo quid cum populo agatur translatio fiat. Positi inter incudem & malleum mortales ferè solius infortunij mancipia sunt, quorum vita invita sub ingentibus gemit pressuris. Hinc ad exterarum Nationes pergite, ego vobis gradatione Oratoriâ famulabor. Quàm dira ibi inveniuntur mancipia, quæ in compedibus Barbarorum gemunt. Querulantur miseri devota ad Superos moventes suspiria, ut tandem aliquando ex Labyrinthica Barbarorum servitute liberentur. Fundunt densas ab oculis lachrymas, ut tantò lachrymarum profluvio, ad fortunatum votorum adnavigent promontorium. Arrestis cum summo tædio auribus, auream præstolantur Redemptionis horam, ferrea vinculorum semper numerando momenta. Sed quousq; tandem alta pro Eliberatore vestro ad Cælos mittetis suspiria invinculati mortales? Quousq; ferream patiemini servitatem? Ergone jam in Captivitate Barbarorum,

rūm detenti optatis non poriemini votis? Ergone tenebroso inclusi carceri Evidtorem vestrum ferrea solventem vincula ignorabitis? absit. En adest IOANNES DIVINISSIMUS de MATTA, qui vestros ejulatus sedabit, arescentem fortunæ vestræ florem lætiori coronabit eventu, & ferream servitutem in auream transmutabit libertatem. Hic enim Sanctior Evidtor est, qui totam vitam in eliberationem Captivorum impendebat, innumeras hominum turbas à vinculis solvens. Et non tantum solus huic officio deditus, sed adhuc Sacrum Ordinem Redemptionis Captivorum instituit. Ergo Theseus è Labyrintho captivitatis mancipia hominum evincens ulteriori dictionis tractu declarabitur. Permitte Liberator Captivitatis humanæ Te gradatione sequi Oratoriâ, & non tantum libertatem dicendi, sed & felicem tractui Orationis indulge exitum. Agnosce- tis Sanctiorem THESEUM AA. dum stupendis Ejus factis benevolam attentionem concederis.

Adumbratum sub Allegoria Theseum IO-
ANNEM D. antequam obtutui Vestrum præ-
sentare intendam, prius quis fuit Theseus? liceat
enarrare AA. Fuit ille Ægei Athenarum Regis
Æthræq; Matris genuina propago, Ingenuus Ma-
gni Pandionis Nepos, cui ad domandos irruenti-
um malorum insultus, à Superis fuerat concessa
potestas. E Regio Theseus descendens Toro in-
nata dexteritate excelluit, in eliberandis tamen
mancipijs maxima documenta monstravit. Adhuc
juvenis ope Dædali miris ambagibus, exstructo
Laby-

Labyrintho inclusos novit liberare Cives, sublatô
è vivis Minotaurô, triumphavit. Ailnoldi queri-
monijs ductus, dulce levamen senijq; solatium Fi-
liam Proserpinam de Phlegetontea captivitate e-
duxit, liberavit. Aoniam Urbem ingentibus
stipatam malis resolvit, melioribus eandem ob-
stringendo Legibus. Sed meminerit sibi hoc Com-
mentum prisca vetustas, veriore **THESEVM**
D. IOANNEM de **MATTA** reptabunda Orato-
ris veneretur dictio. Prodit quidem in lucem fe-
liciori Lucinâ, non **Ægeô**, nec **Æthrâ**, sed excel-
lentiâ Nobilitatis, præstantiâ pietatis magnis, Vir-
tutibus maximis Euphemiô de **MATTA**, &
MARTHA Massiliensi Parentibus **D. IOAN-**
NES, sed quid dico prodit, corrigo linguæ erro-
rem: nondum prodit, iam mancipia hominum
evincens, toti declaratur Univerſo. En sollicita
Mater ipsô Nominis etymô **MARTHA**, dubio de
prole futura anxia eventu, pijs Virginem Beatif-
simam impetit precibus, Delphicô Tripode verius
ab Hac, Quæ Veritatem portavit audit responſum,
Ne metue; paries Filium industriâ victorum Redemptorem.
Hic obstupescite prodigium. Nondum Orbis a-
doraverat **IOANNEM**, iam à Cælorum Regina
Angelicô stipata satellitiô **THESEVS** appella-
tur. Nec mirum **THESEVS** est, Materno inclu-
sus carceri, Sanctioris Ariadnæ **MARIÆ** filô gra-
tiæ, ut in publicum prodeat; necesse. Nascitur
tandem Cælo ita volente **IOANNES D.**, quem
ipsa militans in terris Ecclesia Sanctiorem præsa-
giens **THESEVM**, & sui futurum cognoscens
Achillem, in lætos resolvitur plausus. Tunc dum

B

in

in Odæo Sacro Vesperis Euphemio vacanti, tanta
Prole digno Parenti de ortu Divinioris THESEI
renuntiaretur, his alludens verbis: *Redemptionem misit
populo suo.* O inauditum Nativitatis præfagium! ô
præfagam Divinissimi THESEI Nativitatem!
quam Alma Parens Ecclesia Redemptionem in-
dicat populi. Et bene Redemptor Captivorum
nascitur, eò ipso THESEVS approbatur, Cui evin-
cere hominum mancipia adhuc in utero Superi in-
dulsère. Falcone Oppido Hæreditario in Comitatu
Nicensi natus, verus intaminatæ virtutis & piæ
dexteritatis Comes. Stupendus Infans necdum
reptare scivit, iam contra infanda nefandaq; sce-
lerum monstra consurgere novit. Ut promptior
in dimicando appareat THESEVS, maximam esse
artem seipsum vincere ratus, statò tempore, pendu-
lus adhuc ubera recusat, nè blandientibus captivetur
lenocinijs. Tanto facinore toti Univerſo inclaruit
notus, quòd ad eliberanda mancipia fuerit natus,
dum priùs seipsum vincere novit. In pubescenti
ætate, ubi alij intra domesticos sibi cupiunt indul-
gere lares, & puerilibus exambiunt oblectari crepun-
dijs, hæc septennis spernit IOANNES, ut in-
aprico monstretur, Arenam petit Literariam, pri-
mò cum hoste ignorantia cerraturus. Annuunt
votis Parentes THESEVM autumantes, nè segni
corrumpatur otio, ad percurrendum Scholastica Ita-
dia cum studio remittunt. Sistit faulto omine
in Aquis Sextijs D. IOANNES, quem vix sali-
entibus rivis dulciq; modulamine Aquenses salu-
tavère Musæ, illico suum Apollinem cecinère
IOAN-

IOANNEM, non tantum pharetratò armatum
arcu, sed scutò illibatæ virtutis adoravêre or-
natum. Tripudiat Aquensis Academia, ma-
gnanimum in tenera ætate conspiciens IOAN-
NIS animum, & resolutum ad quævis studia ob-
servans ingenium, Hectorem supposuit; ni ex Gen-
tilitio Insigni & virtutum Encyclopædia venera-
retur THESEVM. Iunxit suas potentias vir-
tuti, ut his unicus fortior videretur. Scholasti-
cum aggressus certamen, vix cum noxia mentibus
ignavia dimicavit, jam Victor evasit. Quò
frequentius coram supremo humiliabatur Numi-
ne, eò fortior assurgebat ad pugnam. Mirantur
Magistri tantam prudentiam IOANNIS, stupent
non sine invidia Ejus promptitudinem còætanei;
unde tam ingens in superandis difficultatibus de-
xteritas emineat in IOANNE? Ast non mire-
mini Magistri, nec vos invidete Compalæstricæ, Pal-
ladem pietati adjunxit, ergo semper triumphare
debet. Peractis octo feliciter annis in eruditis O-
lympijs, nè vocalis Ejus fama, quam Aquensia flumi-
na suâ elevaverunt voce, magnis onusta laudibus,
aliquando periclitetur, in Eremum contendit.
Sed quorsum contendis D. IOANNES? en Sextiæ,
quæ Te suum profitebantur Apollinem Camænæ,
dulcisonos concentus in amaros transmutant plan-
ctus. En Aquensis Academia, Te, ipsi grata Hal-
cyonia spirante, in diluvia exundat lachrymarum.
En dulcissimi Parentes post tantam in Arena Lite-
raria victoriam, ignes Tibi accendere conantur tri-
umphales, Tequè Hymenæi Daphnide coronare e-

xambiunt. Subsiste parumper, sociam vitæ habebis,
quæ sudoriferam Tui frontem leniet, & lassatas
in Arena Literaria dulci consortiõ recreabit vires.
Definite *JOANNEM* hoc in passu mæstissimi
Parentes, scit quid facit *JOANNES*, nè dome-
stico succumbat otio, fugit Danaos aurea sibi dona-
voventes. Recusat Hymenæi plausus, ne cum Her-
cule Olympalis irretiat lenocinijs, in Eremum
properat; tutior ibi mansurus. Nec ibi absq; æmulo
JOANNES, ubi sinè certamine vivere sperabat.
Sævus Principis tenebrarum Assecla, quod apertõ
Marte cum *D. THESEO* configere non valuit,
Condiscipuli fingit speciem, ut in spelæo eludat *JO-*
ANNEM; sed ipse elusus. Cognovit insidian-
tem vitæ suæ Averneum, quem non verberibûs, sed
verbis edomat: *Vade Satana*. Cùm ergo solus non
suffecit potestati *JOANNIS*, Stygiam contra Ipsum
cohortem urget, ut cæco impetu in *THESEUM*
irruat, vires Ejus probaturus. Falleris tuo fraudu-
lento conatu innocentis insidiator vitæ. Novit u-
tiq; hæreditaria Plutonis Sedes, quam commenti-
tius impetebat *THESEUS*; *D. JOANNEM* ve-
riorem *THESEUM* crede, qui tuos confringet
impetus, & te sui captivum ducet in trium-
phum. Factum est quod dixi: toto anno in E-
remo decertans *JOANNES*, omnes Erebi præsti-
gias vicit, fugavit, dissipavit. Ex tanta dexteri-
tate in Eremo probata innotuit *D. THESEI* No-
men supremo Numini, Cujus instinctu impulsus,
superatis Inferni monstris, ad propria redit. Effa-
gitatâ cum recommendatorijs Parentum veniâ, re-
velatâq;

10

velatâq; ordinatione Superûm, ut ad majorem
DEI gloriam & animarum salutem se altioribus tra-
deret studijs, Lutetiam ad Vniversitatem Parisio-
rum celeberrimam transmitti petit; majora ibi suæ
dexteritatis documenta in publico daturus. Quid
agis D. IOANNES? fat utiq; vocalis Tua in deser-
to resonat victoria, quam erectæ, dum loqui non
possunt, nutu demonstrant arbores. Pertingit
Stelliferum imperfracta Tui animi Olympum.
fortitudo, (cujus Angeli testes,) quâ præter Tui,
quam jejunijs macerasti carnem, ipsum etiam Ache-
ronta vicisti, debellâsti. Audit, sed dictis non in-
sistit *IOANNES*, dum etiam ipsos precibûs con-
vincit Parentes, recommendatorias recipit, Lute-
tiam pergit; vel ideo: ut in regno Sapientiæ al-
tioribus scientijs instructus, mancipia hominum è
Labyrinθο captivitatis arte & Marte evincere sci-
at. Sed habet Iupiter in quod fulminibus urgeat,
nec D. *THESEO* deest, quod vincat. Prius-
quàm optato coronetur eventu, iterum in Stygios
incidit Prædones, quos reassumptis à Crucifixo
viribûs tollit. Accepto post Parisiensis consen-
su Antistitis, Arenam aggreditur Philosophicam,
in qua ita certavit; ut ipsi par fuerit Stagiritæ. Ali-
os Compalæstritas Logicales pungebant Spinæ, has
D. *THESEUS* sui ingenij acumine, sibi in trium-
phales laureas transformabat. Gordiô implicatio-
res perplexitatum nodos promptius acutâ mentis
acie resolvebat, ut olim districto Alexander mu-
crone. Superatis difficultatibûs Philosophicis, Theo-
logicarum Scientiarum arcana ita subtili scrutaba-
tur inge-

tur ingenio, ut etiam occultissima Cælorum pene-
traverit Myſteria. Tanto certamine Victor, Phi-
loſophicis redimitur laureis. Merito poſt tantos in
Arena Scholaſtica conflictus, lauro, emerita debent
vinciri tempora, ut Herculeis fatigata laboribus,
maneant tutiora. Voluit conſpirata, innata mo-
deſtiâ ſuperare vota, ſed meritâ & authoritate Ma-
jorum victus, Caput aurô cedroq; notandû eruditæ
ſubmiſit coronæ. Renuntiatus Pariſienſis Doctor
D. IOANNES de **MATTA**, etſi ex ſe vocalis,
in Doctoralibus tamen Exedris reſonat vocalior;
Cujus gratioſam vocis reſonantiam ſtupet Peripa-
tus. Numeroſam Auditorum cohortem naçtus, in
hoc tantum illorum à primordijs captivavit animos,
quòd priùs noſcere **DEVM** demandavit: facile
(inquiens) alias percipietis ſcientias, ſi **DEVM** noſcetis.
Parent erudito Chironi novelli Achilles, **DEVM**
pro primo ſtatuendo Objecto, quibus dum me-
diante **DEI** lumine perplexa Philoſophiæ evol-
vit arcana, mentes ad captum reſolvit; vel ſi a-
liquorum craſſâ oppreſſos ignorantia advertit ani-
mos, ita eorundem plana explicatione evicit, ut ipſis
intima rerum paterent luculenter. Aliorum men-
tibus ſpinis obvoluta Logica caligo eſt, ſed expli-
cante **IOANNE**, ſole clarior enituit. Cornuta ita
docuit formare dilemmata, ut iſdem ſcelera arie-
tare, Inferni ſævitiem expungere, Mundumq; re-
bellem poſſent expugnare. Solida quoties expla-
navit argumenta, toties protenſis eorum filis,
mentes & animos audientium, è Labyrintho igno-
rantia eduxit. Perſonuit aures Antiftitis Docto-
ralis

ralis Eius eruditio, quam Ecclesiæ proficuum videns,
non contentus, quòd Eundem ad Doctoralis
Eminentiaevexerit fastigium, ad Regale vocat IO-
ANNEM Sacerdotium. Nec immeritò, de hoste
mentibus infenso ignorantia triumphavit, ergo ut
animas captivitate detentas pijs eliberet precibùs;
est necesse. Imperterritus THESEVS, qui toties
Antæum superavit Orbem, toties carnis edomuit
Scyronem, toties horrenda Averni debellavit mon-
stra; ubi ad Sacerdotalis dignitatis excurrendum
est fastigium, trepidat. Strenuus olim, nunc pas-
sum movere non audet. Aude tamen & audi quò
Te vocant Superi, THESEVS es: post tot expedi-
ta certamina, DEO litare debes. Fecit itaque
D. IOANNES, quod boni iussere Divi. Tre-
mendum dum primò Nèó-Mystra DEO obtulit Sa-
crificium, ad elevationem Sacratissimi Corporis,
Angelum veste candidâ adornatum, cum duobus
captivis in Altari apparentem, non sine spectanti-
um stupore observavit. Tàm prodigiosâ visione
perterritus D. IOANNES, dum mentem devotam
in Cælum elevat, in exstasim rapitur. Didicit Spi-
ritu in Cælum raptus admirandæ visionis Myste-
rii Præsuli, alijsq; Viris eximijs cum summa de-
missione animi manifestavit. Me (inquit) Superi vo-
lunt novam sub Titulo Sanctissimæ TRIADOS in-
stituere Regulam, è dura Barbarorum Tyrannide
Christianorum Captivorum Redemptricem. O
stupendam D. THESEI Sanctimoniam! quæ ad
venerandum Missæ Sacrificium ipsos Spectatores
C2
convo-

convocavit Angelos. O inauditum visionis My-
sterium! quod Ipse Omnipotens, Spiritu in Cælum
abstracto, revelavit IOANNI. Habuit Atlas ba-
julando Orbem, Succollatorem sui Herculem, T. O.
Maxim⁹ Atlas, qui tribus digitis totam Univerſi ſu-
ſtentat molem, ad obeundum Redemptionis è ca-
ptivitate Barbarorum munia, THESEVM adin-
venit IOANNEM. Sic ordinante celsi Modera-
tore Olympi, Giganteo IOANNES tendit Ro-
mam paſſu, ut prodigioſum visionis Secretum
Orbis Chriſtiani Capiti INNOCENTIO III.
referret. Necdum in Septicollis Vrbe ſtetit IO-
ANNES, iam Summo Pontifici per Angelum
præſentatus, necdum viſus, jam vitæ Sanctimoniâ
notus. Ad pedes Tirięgiati provolutus Capitis,
miras reverenter apparitiones cum testimonijs ex-
ponit, earumq; prodigioſa, iſtituendi novam ſub
Titulo Sanctiſſimæ TRIADOS Regulam, Captivo-
rum Redemptricem, Myſteria, ſibi à DEO revelata
explanat, ac enarrat. Tam ſtupenda explanatio
cor & animum Summi penetravit Pontificis, & ad
annuendum commovit. Stupet narratis commo-
tus miraculis, Narrantis admirandam modeſtiam,
& modeſtam vitæ innocentis miratur INNOCEN-
TIUS Sanctimoniam. Favet attonitus dictis, reve-
lata gratô animo cum IOANNE ſuſcipit Myſte-
ria: Ut expeditius in Captivorum ſubſidium de
alta Quirini Vrbe properet D. IOANNES,
Cardinalitiæ Ejus negotium admoveret Rotæ. A
DEO ſtupendum hoc autumantes prodigium pur-
purati Proceres, una voce concludunt; ut ſinè mo-
ra expe-

ra expediatur **IOANNES**. Brevi **INNOCENTIUS**
D. IOANNEM de **MATTA** novum Patriar-
cham creat, creatum veste candida juxta appariti-
onem Angeli bicolori insignitâ Cruce ornat, or-
natum, Institutorem Ordinis Regulæ Captivorum
Redemptricis sub Titulo Sanctissimæ **TRIADOS**
pronuntiat, pronuntiatum cum Papali benedicti-
one Parisios remittit. Redit bonis Avibus Lu-
ætiæ non sinè expectantium plausu Patriarcha.
Novus **D. IOANNES** de **MATTA**, authenticè
approbatas à S. Sede Apostolica literas pro institu-
endo Novo Ordine, Captivos è dura Barbarorum
Tyrannide redempturo, Parisiensi Antistiti exhi-
bet. Excipit condignè **D. IOANNEM** Præsul,
receptisq; approbatis literis Patriarcham agnoscit,
agnoscendo promulgat, & ut quantocius miseris
subveniat, Asceterium fundare permittit. Ante-
quàm prima fundamenta jecit **D. Patriarcha**, se pro-
fundissimè, præmissâ strictâ inediâ, coram Numi-
ne inclinavit; ut citius intentata resurgeret moles.
Cæpit feliciter à primo latere *Cervi Frigidî* Ascete-
rium, Ipse igne Divini ardens amoris, & non tar-
dus ad succurrendum **IOANNES**. Cujus ideo
in Monte Prodeliæ fundamenta posuit, ut ex il-
lius cacumine à longe invinculatos prospiceret
Captivos, & commodius querulantium, auribus
perciperet singultus, quibus velocius de cacumine
celso auxilium ferret; non ignarus: quòde julantium
voces sursum pro auxilio tendant. Ast de mente In-
nocentij III. contra illam Gigantomachiam, quæ
Ecclesiam Diocliæ Dalmatiæq; infestabat, Sanctior
D Triarius

Triarius verusq; THESEVS stetit, postquam
zelô Divini amoris accensus omnem Hæresim ex-
tinxit, necnon in Labyrintho errorum existentes
ad veram fidem deduxit. Abit ultra, quò Ipsum
Divina à teneris vocatio traxit, ut gemētē vincto-
rum turbam è Barbarorum servitute eliberet. Nu-
dô iter arripit calcaneô, ut citiùs querulantibus
succurrat. Sistit faustô pedemate Valentiaë, & cum
mancipatos ore diserto evincere nequeat; expetit
ære resolvit. Hic spectate prodigium, cum Al-
phonfi, & Sancij Castellæ & Navarrhæ Regum, ad re-
dimendos omnes non suffecit IOANNI liberali-
tas, Regis Regum compensavit munificentia, quâ
miraculosè in Altari celebranti IOANNI exposi-
tâ, cæteros liberavit. In uno ignarus diu quiescere
loco, vinculorum percitus tinnitu, celeri passu Tu-
netum properat, se sponte iniicit periculis, Sangui-
nem innocuum pro eliberandis fundere paratus,
huic maximè intentus; ut cruentô Eius profluvio
in portum aureæ possint enatare libertatis. Sed
eheu! incidit in Scyllas qui evitavit Charybdes.
Non post longum temporis spatium, in torridam,
humano nunquàm scientem mansvescere cultu, di-
vertens Affricam D. Patriarcha, cum Tantaleâ Mau-
rorum esuriem nummîs satiare non possit, seipsum
juxta proprij Instituti Regulam, libenter tortuoso
ingerit Labyrintho. O zelum amoris proximi
inæstimabilem! o admirandum vindicandi man-
cipatos ardorem! ut illi aurea libertate fruantur; Ille
ferream servitutem subit. Ergo jam ex tam sinu-
oso captivitatis anfractu, horrendoq; difficultatum
evasu-

evasurum nunquam supponitis Labyrintho THE-
SEVM? minime: adest Sanctior Ariadna MA-
RIA, quæ exporrecto aureæ gratiæ filô eliberat
IOANNEM, adeo; ut cum Ipse liber evaserit, nec
quenquam tanta pati ulterius tormenta permisit.
Tantæ spoliū victoriæ Romano invehiturus Ca-
pitolio, dum onustam eliberatis Captivis solvit à
littore classem, vesanus Maurorum furor tantum
IOANNI invidendo triumphum vela remosque
destruit, & cum ipse evincere non potuit THESE-
VM, procelloso Mari devorandum commisit. Sed
eludit malefanæ conatus vesaniæ, minacesq; aspe-
ctantium evicit oculos, dum applicatô pro velis
Palliô, faventibus desuper Zephyris, Eurô ocyus,
quia sex horis quadringenta milliaria confecit, Ro-
mæ consistens trophæa canit. Resonuit D. THE-
SEI sat plausibile per Quirinam Urbem trophæum,
quod postquam Summo innotuit Pontifici, tantam
victoriam admiratus stupuit, stupendo; exantla-
tos humeros magnis exambit præmiare Titulis, sed
D. Patriarcha coruscô, intaminatæ Virtutis contētus
splendore, honoribus ornari non prætendit, nè di-
gnitatis in dando victis auxilio oneretur fascibus,
qui & dexterrimos persæpè constringunt Bellato-
res. Parcendum est Beatissime Pater D. THESEO,
quod celsa honorum fastigia ei sint fastidia; timet
enim ne his oneratus in succurrendo miseris fati-
scat. En plus quam Mæduseum caput, tartareis pro-
siliens exantris Albigenis Hæresis, gentem DEO
dilectam tortuosis mancipavit ambagibus, adhuc
os suum aperit, ut unô venenosæ doctrinæ

hiatu absorbeat Vniuersum. Vt ergo in hoc negotio promptior reddatur THESEVS, magnis non vult honoribus premi, quamvis maximos promeruerit. Iam non instat cum honoribus Innocentius, nè in Eius peccet Sanctimoniam, quã omnes excessit Titulos; sed urgere non desinit, ut ingens portentum Albigensum enecet Hæresim. Celer in tanta prælia obtemperat Innocentio, pietatis umbone & probitatis armatus clypeo, contra horrendum Hæreseos procedit Minotaurum, qui vix ferientia Sapientiæ D. THESEI præsentit acumina, more Lerneæ immugijt Hydræ, Herculeam potentiam ratus; sed fortiozem THESEVM expertus. Malleum, contra Hæresum monstra, non in Vulcani officina cusum, sed in Æthna Divini amoris elaboratum, ausim dicere IOANNEM; ni THESEUM probarem, qui ardenti Orthodoxæ Fidei & Oeconomicae Ecclesiæ propugnandæ zelò, adeò flagrantissimus extiterat, ut eandem ad effusionem Sanguinis cum propria dispendio vitæ, imperfractus defenderit. Languebant non fucato Christianitatis, & Virtutum candore fragrantia Regni Gallia Lilia, quæ furens Saracenorum undiq; adurebat Gradivus, sed tam intollerabili incendio vix scutum pietatis opposuit D. THESEVS, illico pressa langvore, pristino restituit vigori, & ab ingenti Gradivi æstu liberavit. Clavam Religiosæ Crucis dum vexillis Gallia militaribus apposuit, mox plumbea Mavortis fulmina, cum ingenti strage in hostes retorfit, PHILIPPUM Gallia Regnatorem triumphare fecit. Memor magni Hispania
trium-

triumphi, cui in dandis contra Maurorum potentiam suppetijs, celer succurrit *THESEUS*, Alphonsum Regnantem ex ærumnosa obsidione liberando. Victor ubiq; *JOANNES*, in Sacris Exedris quoties fulminantem egit Periclem, toties corda & animos à scelerum servitute liberavit. Sacri Sermōnis quoties exordium duxit, toties terminale exordium peccatis imposuit. Divinò animatus Entheò, quoties coram Summo Pontifice & Serenissimis detonuit Regibus, toties igne Divini Amoris eorum corda accendit. Quoties ignita adhibuit verba, toties congelata populi pectora in fontes lachrymarum resolvit. Multis in locis Triumphatorem spectastis *THESEUM*, nunc Eundem in Mari speculemini Victorem. *THESEVS* ille erat in liberandis Captivis Redemptor, & nè unquam esse desineret, Amplissimum sub Titulo Sanctissimæ *TRIADOS* Institutum testatur. Ampliatâ Religiosorum Familiâ, ac explicatâ illis sui Ordinis, necnon Vocationis Regulâ, eosdem ad vitæ Sanctimoniam, & exercenda Redemptionis munia instruit; Ipse Canon Virtutum & fervidus in redimendo Zelator. Obediunt Religiosi Cultores, partim Vocationi, & sui Patriarchæ nutibus respondentes, partim amore proximi accensi, varias Orbis Regiones peragrant, invinculatos è dura Barbarorum servitute, expetitâ Elèemofynis resolvunt. Ac tandem, redit in Patriam lætum Pæana canens numerosa Redemptorum cohors, præeuntibus Gvilhelmò Scotò, & Thomâ Gvalterò Religiosis Ducibus, ubi vix spumanti, onerariam Redemptis

committunt pelago ratem, illico conjurata ventorum rabies cum insolenti Tethyde, adversus Religiosos Heròes turbinibùs furit, tumidasquè Nerei jaçtat procellas, ut omnes cæruleo dent Nomina Ponto. Proh dolor! cedunt cum Redemptis, in spolium undis Religiosi Victores, quibus indignata Tethys, jam periclitantes sinuosís anfractibùs ligat, ligatos in profundos Maris carceres mittit. Ergone jam æquoreis *D. THESEI* Cultores cedent in spolium undis? ergone ex fluctibus redemptio nulla? minime; Properat remotissimis ex Oris cum subsidio *D. Patriarcha*, suorum Sodalium nefandam ulciscitur contumeliam, tempestates sedat, indignatamq; Tethydem calcaneò premit, periclitantes æquoreis liberando à fluctibus, in litore sistit. Angelum in carne dicerem *IOANNEM*, ni hominem nossem; qui sicco pedemate æquora calcat, & periclitantibus è longinquo in ictu oculi succurrit. Plura egit *D. IOANNES*, quàm imbellis Oratoris svada, exiguâ periodò narrare potest, Cujus intaminatam Virtutem, Vitæ Sanctimoniam, propagandæ Fidei zelum, & Captivorum amorem, si dignè deprædicare vellem: Angelicò conceptu opus esset. Aut si omnia Ejus gloriosè gesta per omnes Vniversi partes sequi satagerem, Rhetorica non sufficeret gradatio, sat ingenti Virtutum Ejus fatigata magnitudine; licet laudum Illius non attingit Celsitudinem. Tantís ergo Virtutibùs clarus, innumerisq; gratijs Cælitùs sibi datís illustratus, totq; fulgidus miraculís; cùm jam amplissimum suorum Successorum vidisset Ordinem, diffusaq;

fusaq; per Orbem ad promovendum DEI hono-
rem, & redimendos Captivos centum ferè Ascete-
ria, DEO egit gratias. Convocatis suæ Religionis
Prioribus, amorem DEI & proximi præmissa be-
nedictione Paternâ, commendavit. Ipse post tot,
pro honore DEI & Redemptis Captivis trium-
phales victorias, ad Cæleste properavit Capitolium;
æternam Coronidem recepturus. Ad Cujus glo-
riosum ingressum, Ipse Christus Dominus in globo
lucidissimo visibiliter præluxit. Tendentem in Pa-
triam D. IOANNEM altiùs Oratoriâ Viator non
prosequor pennâ, nè sursum evolando Icariam re-
cordiar ruinam. Hinc Vestra est ingens felicitas,
& non postrema honoris adorea, vera D. Patriarchæ
Progenies Religiosissimi Patres; quòd tantum
habeatis THESEVM, qui Vobis ad Heroicos
prælusit ausus, illustri Virtutum & Sanctimonix
splendore, perennis gloriæ meridiem accendit. Non
degeneres Vos, à Magno Patriarcha Vestro Orbis
universus veneratur Filios, qui zelò Orthodoxæ Fi-
dei & amore proximi accensi, etiâ cum dispendio vi-
tæ semper similia peragitis munia, pro DEI honore
certando. Vestri Nominis etymum ipsi Plutoni
metuendum, quem Clavâ Crucis, quam candido
geritis pectore, ad subterranea multoties fugastis
cubilia. Certare vobiscum nunquam intendit, quos
strenuos in acie agnovit Heròes. Militans in terris
Ecclesia de omni irruentium malorum triumphat
Labyrintho, Vos seu tò Pietatis, & Sapientix arma-
tos acumine, habens sui honoris E victores. Insistitis
D. Patriarchæ vestigijs, unde Cælum ipsum Vobis


ad faustissimos captivæ successus. In ampliora
Vobis non excurro præconia, nè Vestram mode-
stiam lædere videar: satis ad gloriam erit, Vos, Ma-
gni Patriarchæ Vestri D. IOANNIS de MATTA,
genuinos Filios venerari. Tibi vero D. IOAN-
NES in votivam imbellis dictio cedit Hecatomi-
ben, & ut ejus demerita Redemptor eluas, implo-
rat. Libertas Poloniæ Tibi se in perpetuum de-
vovet mancipium, nè aliquando fiat captiva. Cra-
cias Turres visita gratiose IOANNES, easq; ab
irruenti malorum impetu defende. Almæ inge-
niorum Altrici Vniversitati Cracoviensi felicitate-
tem fac obligatam, ut sub signo Sceptriferæ
Crucis semper de adversis triumphet. Omnes
Tibi devotos Cultores aureâ permittite liber-
tate gaudere, nè unquam adversorum im-
plicentur Labyrintho; THESEV Sesto:
quem Tui Venerator deduxi, &

D I X I.



ra:
de-
la-
A,
N-
m-
lo-
le-
ra-
ab
ge
ta-
æ







SIDR0013032

Biblioteka Jagiellońska



G
410